

PRESSEMELDING

Oppstart av barnevernvaktsamarbeid i Giske, Sula, Sykkylven og Stranda.

- eit viktig samarbeid over kommunegrensene.

Barneverntenesta skal etter Barnevernloven «sikre at barn og unge som lever under forhold som kan skade deres helse og utvikling, får nødvendig hjelp og omsorg til rett tid». Gjennom samarbeidet kring barnevernvakt skal no fire kommuner på Sunnmøre gå saman for å ivareta barnevernet sin akuttberedskap utover vanleg kontortid.

Barne-, ungdoms- og familiedirektoratet (Bufdir) gjennomførte våren 2017 ein undersøking av akuttberedskapen i det kommunale barnevernet. Resultatet viste blant anna at 48 % av tenestene ikkje oppfylte krava for formalisert akuttberedskap. Barnevernloven sitt krav om forsvarlege tenester krev at alle kommunar skal ha bemanning, kompetanse og kvalifikasjonar som sikrar at barnevernet sine oppgåver vert ivareteke 24 timer i døgnet, 365 dagar i året.

På bakgrunn av dette har barnevernleiarane i Giske, Sula, Sykkylven og Stranda starta eit arbeid for å etablere eit samarbeid som kan sikre akuttberedskapen etter kontortid.

Vaktnummer: 412 84 400 for kommunane Giske, Sula, Sykkylven og Stranda

Det interkommunale barnevernvaktsamarbeidet har oppstart 30.04.2018 og organiserast som ei bakvaktordning på telefon som vil vere bemanna i tidsrommet kl. 15:30 – 08:00 i kvardagar og heile døgnet i helgar og høgtider. Hovudoppgåva er å hjelpe barn og familiar i akutt krise og som ikkje kan vente til neste virkedag. Barnevernvakta vil vere bemanna med tilsette i dei kommunale barneverntenestene som i hovudsak skal gi råd og rettleiing på telefon. Ved akutt krise kan barnevernvakta vurdere å rykkje ut for å bistå i situasjonar meir aktivt.



Her er nokre av dei tilsette i barnevernvaktsamarbeidet mellom

Giske, Sula, Sykkylven og Stranda samla på felles Kick-off den 10.04.2018.